

# Сунъгъврт белдлгънă хургуд

## Целинн

Целинн поселкин культурин Герт, СССР-н Деед Советин Келн-ăмтнă Советд сунъгългъна сунъгъврин 597-ч Целинн округд орджак Приозерн болн Целинн райодин куч-кѳлсчирин сунъгъврт белдлгънă хург болв.

— Мана совхозин кѳдлмшчнр болн церглăчнр СССР-н Деед Советин Келн-ăмтнă Советин депутатнрин кандидатд, КПСС-н ЦК-н партийн Контрольн Комитетин ахлач ур **Н. М. Шверникиг** болн куч-кѳлсчнрин Хальмг танъгъчин Советин куцагч комитетин ахлач ур **Э. А. Сангаевиг** темдглчхăв, эн учрар эднă кандидатнриг дѳнънхиг би танас цугъар-гъасти сурджанав гидж тѳрѳн босдж уг келсн „Балковский“ совхозин директор ур **В. С. Мошак** келв.

Приозерн района „Ергенинский“ совхозин кѳдлмшч—кучукд кун **Г. И. Голубенко**, КПСС-н Приозерн райкомин сeглăтр ур **Е. Э. Кокшунов**, Целинн поселкин гуулгана кѳдлăч ур **Л. Бражник**, „Сухотинский“ совхозин парторганизацин сeглăтр ур **В. Д. Золотухин**, ВЛКСМ-н Целинн райкомин сeглăтр ур **А. А. Гоноченко** нань чигн босдж уг келчхăсн улс ур **Мошак** келсн угиг омгта кевăр дѳнънчхăв.

Сунъгъврт белдлгънă хург нег дуугъар токтавр авад, Келн-ăмтнă Советин депутатнрин кандидатд Целинн сунъгъврин округар КПСС-н ЦК-н партийн Контрольн Комитетин ахлач ур **Н. М. Шверникиг** болн куч-кѳлсчнрин Хальмг танъгъчин Советин куцагч комитетин ахлач ур **Э. А. Сангаевиг** орулхмн гидж темдглв.

## Комсомольск

Февралин 7-д Черноземельск района центр—Комсомольск поселкд, Черноземельск, Каспийск болн Яшкульск райодин куч-кѳлсчнрин элчнрин СССР-н Деед Советд сунъгъврт белдлгънă, сунъгъврин 596-ч Черноземельск округин хург болв.

Яшкульск района „Лиман-

ный“ совхозин эклц партийн организацин сeглăтр ур **Хомутников**, тѳрѳн босдж келсн угдăн, Каспийск района „Оленичевск“ совхозин, Яшкульск района „Лиманный“ совхозин болн Черноземельск района Полевой МЖС-н кѳдлмшчнрин, инженерно-техническ кѳдлăчнрин болн церглăчнрин коллективсин, СССР-н Деед Советин Келн-ăмтнă Советин депутатнрин кандидатд темдглчхăсн КПСС-н ЦК-н сeглăтр ур **Поспелов Петр Николаевичин** болн Яшкульск района „Лиманный“ совхозин ах хѳбч ур **Кичикова Шура Дохоновнан** кандидатнриг дѳнънхмн гидж дуудв.

Прикаспийск загъсна комбинатин кѳдлăч ур **Бадмаева**, Каспийск района куч-кѳлсчнрин нерн деерăс, бидн эн хойр кандидатуриг унн-гол зуркиăсн дѳнънджăнăвдн гидж герчлв.

Дарунь Полевой МЖС-н ах тооч ур **Эрдни-Гаряев**, Черноземельск района куч-кѳлсчнр эн хойр кандидатуриг нег луугъар дѳнънджăхиг иткѳлдж келв.

СССР-н Деед Советин Келн-ăмтнă Советин депутатнрин кандидатд Каспийск района, „Оленичевск“ совхозин, Яшкульск района „Лиманный“ совхозин болн Черноземельск района, Полевой МЖС-н коллективсин темдглсн кандидатнр, КПСС-н ЦК-н сeглăтр ур **П. Н. Поспеловиг** болн „Лиманный“ совхозин ах хѳбч **Ш. Д. Кичиковаг** нег дуугъар дѳнънхмн гидж хург токтавр авб.

## Башанта

Сунъгъврт белдлгънă куч-кѳлсчнрин хург сунъгъврин 595-ч Западн округд орджак Западн болн Яшалтинск райодт бас болв. Келн-ăмтнă Советин депутатнрин кандидатд КПСС-н ЦК-н Президиумин член, СССР-н Деед Советин Президиумин ахлач ур **К. Е. Ворошиловиг** болн Яшалтинск района, Ленинă нертă колхозин ах укрч, Социалистическ Куч-кѳлснă Герой ур **Я. А. Омельченког** орулхмн гидж хург нег дуугъар токтавр авб.